

निद्रा बेच दूँ कोई ले तो,
दोहा सुता सुता काँई करो,
सुता आवे नींद ।
काल सिराणे आय खड़ो,
ज्यू तोरण आयो बींद ॥
नींद निशानी मौत की,
ऊठ कबीरा जाग ।
और रसायण छोड़ के,
एक राम रसायण लाग ॥

निद्रा बेच दूँ कोई ले तो,
रामो राम रटे तो तेरो,
माया जाल कटेगो,
निद्रा बेच दूँ कोई ले तो ॥

भाव राख सत्संग में जाओ,
चित में राखो चेतो,
हाथ जोड़ चरणों में लिपटू,
जे कोई सन्त मिले तो,
निद्रा बेच दूँ कोई ले तो ।
रामो राम रटे तो तेरो,
माया जाल कटेगो,
निद्रा बेच दूँ कोई ले तो ॥

पाई की मण पाँच बेच दूँ,
जे कोई ग्राहक हो तो,
पाँचों में से चार छोड़ दूँ,
दाम रोकड़ा दे तो,
निद्रा बेच दूँ कोई ले तो ।
रामो राम रटे तो तेरो,
माया जाल कटेगो,
निद्रा बेच दूँ कोई ले तो ॥

के जाओ तुम राज द्वारे,
के रसिया रस भोगी,
म्हारों लारों छोड़ बावळी,
मैं हूँ रमतो जोगी,
निद्रा बेच दूँ कोई ले तो ।
रामो राम रटे तो तेरो,
माया जाल कटेगो,
निद्रा बेच दूँ कोई ले तो ॥

बैठ सभा में मिथ्या बोले,
निंदिया करे पराई,
वो घर हमने तुमको सौपा,
जाजे बिना बुलाई,
निद्रा बेच दूँ कोई ले तो ।
रामो राम रटे तो तेरो,
माया जाल कटेगो,
निद्रा बेच दूँ कोई ले तो ॥

ऊंचे मंदिर देख के जाओ,

कामणी चँवर दुलावे,
म्हारे संग क्या लेगी बावळी,
पत्थर में दुःख पावे,
निद्रा बेच दूँ कोई ले तो ।
रामो राम रटे तो तेरो,
माया जाल कटेगो,
निद्रा बेच दूँ कोई ले तो ॥

कहे भरथरी सुण म्हारी निद्रा,
यहाँ नहीं तेरा वासा,
मैं तो म्हारे गुरु भरोसे,
राम मिलण री आशा,
निद्रा बेच दूँ कोई ले तो ।
रामो राम रटे तो तेरो,
माया जाल कटेगो,
निद्रा बेच दूँ कोई ले तो ॥

निद्रा बेच दूँ कोई ले तो,
रामो राम रटे तो तेरो,
माया जाल कटेगो,
निद्रा बेच दूँ कोई ले तो ॥

गायक सांवरमल जी सैनी ।
प्रेषक रामेश्वर लाल पंवार ।
आकाशवाणी सिंगर
9785126052

Source: <https://www.bharattemples.com/nindra-bech-du-koi-le-to-bhajan/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>